

離江游草題識

山陽秦 煥文伯

憶己卯歲與淮生同轉晤於都門屢其游讌及壬午君來粵西復得幽敘益相契時粵西以催科事爲御史臺所糾詞連中丞於是督部奉 廷旨嚴究檄君覆按之君明察暗訪不少偏倚具牘直陳督部遂據以奏覆復檄勸邊防指陳利害動中窾要以其餘暇發之於詩固杜陵高歌白傅諷諭之亞也若俯仰古今流連景物則又無奇不備有嫩必臻自是涵茹百家獨樹一幟者鄙人汨於簿書吟咏幾廢旣服君吏事之精而又風雅之足多也爲題二律並加墨以誌之佛頭著糞之譏知不免耳光緒九年癸未春三月

山陰汪 瓌英生

嶺南西道山水奇勝著稱域中讀大集諸篇蘊仁智之眇思極刻鏤之姿致不啻披少文圖繡柳州記矣至於感時卽事興會深微又如昔人評漁洋詩所謂登覽之

離江游草

題識

餘別饒寄托者既以朱園標其警句並識蠶測於上方
復綴數言用志傾倒昭陽協洽荷花生日

灕江游草

題識

灘江游草題詞

歸安姚覲元彥侍

信有江山助清吟迥出羣宏深却詵策幽峭柳州文人
物蘭陵秀才名金粟聞他年靖炎徼銅柱策奇勲

閩縣龔易圖藹人

桂林山水天下奇卧遊時復生遐思讀君歌詩出金石
近年邊徼多旌旗考勝好籌籌筆驛探奇已到道鄉祠
豈徒邱壑留題詠我亦南交欲問師

灘江游草

題辭

祥符周星譽昀叔

羣從兼文武門材總軼倫大名高一代餘技了千人書
劍從軍舊江山厯宦新會題一品集莫自惜風塵

江都張聯桂丹叔

水自靈渠發山從陽朔奇讀君新詠本憶我舊遊時灘
急舟行速峯高日上遲別來今十稔慚愧鬢成絲
不辭千里遠邊事問炎方異境筆能狀奇才斗莫量風
流追畫壁雲氣壓歸裝豈作滄桑感匡時策自長

山陽秦 煥文伯

燕臺回首夢如煙，粵嶺論心月在天。
舟楫需材名世貴，山川能賦大夫賢。
搜奇不落唐虞後，詠古真追漢魏前。
多少蒼生懸望眼，豈惟風雅賴仔肩。

江流淮水接粉鄉，宦轍東西共海疆。
兩省關河籌幹濟，一篇金石著文章。
杜門我慕陶元亮，出塞人思狄武襄。
散徧十洲霖雨後，還山再築浣花堂。

宜興徐瑋文植之

灘江游草

題辭

二

桂林山水甲天下，行人到此入畫圖。
畫工閣筆不能傳，君詩直如王綸川。
讀一篇詩開一境，步步引人入名勝。
山勢筆勢爭雄奇，卧遊把卷神迷離。
欲問筆妙胡至此，合呼李嶠真才子。
一瓣心香三復時，低首宣城自此始。
臨桂李受彤燕伯

吾鄉山水天下冠，頃刻羅列滿吟案。
時我住近越王臺，蝸廬數椽魚鱗暗。
引我忽到古鄉遊，雲霞光明紛燦爛。
猿嘯鶴唳傾耳聞，懸巖野瀾飛瀑散。
更有名山如偉人

端冕執笏立霄漢俯視羣峯培塿同都作紀邾附庸看
祖龍置郡闢桂林炎荒遠在天之畔中朝達官至者稀
其有至者多謫竄唐宋而來風會開山水逢人得月日
始知此爲天下奇探勝皆欲遊汗漫幽崖磨石爭鑿詩
日扶吟筇勞不憚山水奇到難畫處賴有才人入詞翰
或題歲月留鴻泥或藉風土供吟玩細讀游草何超卓
中有奇峯青不斷前賢遺跡引據明古今沿革紛然判
考文徵獻詳民風究委尋源一以貫古詩三百非漫爲

離江游草

題辭

三

小述性情大治亂斯卷持較將毋同穆若清風生帷帳
勝讀石湖驂鸞錄勝展桂海虞衡勘著作况乃等身富
遊蹤更逾天下半有見則紀聞則書萃茲精神旁無換
經濟本諸學識深譬之璜琮經礪殿又如琪樹逢春風
吹得瓊花遶珠簾湖光海色孕碧虛珊瑚明珠互璀璨
讀書萬卷取索精下筆詞源富漑灌紙騰異采字生稜
其中真氣爲之岸大雅當前增百慙離鄉迅憐星霜換
卓犖未得羣書觀孤陋苦從古紙鑽運甕惜陰終何益

縱多紀述皆俚調拳曲况屬無用材官卑更逢時多難
何如量力守故轍承歡日夕在里閭附郭縱然耕無田
徑荒尙餘松菊伴何事謀生計太拙以官爲家苦羈絆
孤負故鄉好山水憂天徒深杞人歎

嘉興沈宗濟廉仲

蘭陵多雋彥夫子況清才行役詩篇富江山異境開籌
邊厯遠慮問俗念沉災信有匡時畧非徒擅雅裁

桂嶺佳山水從官路阻之羨君探勝概令我寄遐思張

灘江游草

題辭

四

范風堪溯

宋南軒張公帥桂林詩極多見於集中竊謂堪與石湖相伯仲韓蘇蹟偶遺

用稿中陽湖山句意

何人編粵載摻續待來茲鄉先哲汪碧巢先生粵西詩載搜萃

題詠甚夥百餘年來無續編者

臨桂周 璜絨卿

神工鬼斧漫雕鏤風雨毫端捲未休留得紀程詩卷在

水光山色共夷猶

珠江秋早片帆催似爲尋詩度嶺來把卷狂歌頻叫絕

風塵真有謫仙才

江甯劉傳林墨緣

點絳脣

五嶺雲開笑迎詩客吟鞭去鬢花飛舞筆底飄無數
家住江南慣聽吳娘語傾芳醕新聲付與添唱瀟瀟雨

離江游草

題辭

五

灘江游草

江陰 金武祥 漕生

赴桂林雜詩七首

客游復宦游浪跡二十年轉以風塵俗而得山水緣捧
檄忽西笑將擬驂鸞仙行役有閒時景物堪流連遐搜
訪碑碣覽勝留詩篇虞衡續范志載筆敢憚煩美惡紀
風俗險要圖山川聊備他日歸上獻芻蕘言

汪芙生云雅抱可想
前半尤清轉流利

灘江游草

中國四瀆外西江爲最巨牂牁通黔滇源流紛可數每
當春秋潦陡漲尋丈許征權多官潯洲渚闢堂宇所嗟
田廬湮流離常失所脩築力每絀籌振惠難普或言拆
石壩下流無壅堵或言開支河勢散無使聚因時而制
宜準今以酌古年來幸豐稔雨暘亦無苦行人喜安穩
征途息桴鼓思患在預防斯言或小補

汪云前數年有議鑿新興之河頭通陽春之黃泥灣
以疏西江下游者督府遣官測量則陽春地平高於
新興者幾二十丈且開濶四十里
其中多田廬亦慮擾民事遂寢

入境首蒼梧浩瀚三江合

黔鬱桂三江
桂水即灘水

灘江灘高高三

百有六十度數如周天星羅石重疊當關虎豹蹲潛窟

蛟螭蟄峽逼陽光微崖深陰氣吸千盤往復回重險出

又入涉淺九牛負升高萬蟻接龍門登崔巍雷霹訝

龍門雷霹
皆灘名

沂流八百里為期乃逾卅翻喜上水遲山

靈效維繫日日遊興豪漫慮官符急笑指一鷺閒盡日

灘頭立

秦文伯云筆能達難顯
之情為畫圖所不能到

灘江游草

二

羣山似招客峯峯作迎送每逢兩崖閒青天只留縫盤

旋此中來似請君入甕湖從開闢時雕鐫巧誰弄百態

呈烟巒千靈閣巖洞松杉雜叢篠一片綠雲凍在昔鎮

九州祇聞五嶽重支幹達炎荒踰嶺奇始縱遂令甲天

下不肯作陪從我今幸來遊征途惜空惚幻想愧不廉

諧語疑鑿空會當縮壺中攜歸作清供

汪云奇思雋語
押韻尤通峭

行役日以遠又值中秋節灘江動離思忽見團圓月清

光萬里同惜無縮地術遙想家宴開婆娑老人悅諸孫
進酒卮馥郁庭桂發亦復念遊子豈慮甘旨闕某山與
某水行蹤猶未悉感此低頭思乘風歸去決誰與證此
心江空月皎潔

秦云望雲思親對月懷
遠一唱三歎情景兼深

遐陬五嶺西山多城邑少艤棹覓墟市零落復枯槁地
瘠而民貧厥性復悍慄邊壤連雜雄州郡雜獠獠鎮撫
或失宜屢煩王師討近代弄潢池星火忽原燎嗟哉寬

離江游草

三

與猛實惟爲政寶勿沾慈惠名養癰貽患早勿以刑威
怵安靜民不擾富庶加以教由此舊習矯安內遂攘外
永永南服保

秦云此官邊陲者座右銘也勿徒以韻語視之
汪云通達治體片言握要足見循吏經濟

南服比交趾秦漢隸版圖九真與日南置郡同蒼梧有
明始棄之俾自爲國都占臘三佛齊吞併俱膏腴近者
螭蚌爭得利誰爲漁一統復舊壤會須宏遠謨出師合
滇粵分道而疾驅仍以設郡縣形勢控海隅進戰退以

守籌餉亦有餘南洋環萬島威德可遍敷泰西或東來
重鎮未敢踰倘讓捷足登強鄰尤足虞及今而策之願

以聞當途

時越南與
法人闕

秦云眞經濟大本領是
賴當途之爲韓范者

汪云道光中無錫丁采之玉藻才士也有天分遙
長歌亦謂明棄安南爲失策與此詩之意正同

梧州

行遍炎荒五嶺遙咽喉此地控蕃猺曾聞下瀨樓船壯

誰繼平蠻銅柱標井底冰心憑訪古

城東南冰井
唐元結有銘山頭

灘江游草

四

劍氣尙冲霄

城南火山亦名冲霄山其上
有光相傳趙佗藏寶劍於此

好從巨瀆江

河外更溯牂柯水一條

汪云
壯偉

九疑雲黯望模糊何處遺蹤訪有虞烟水茫茫山寂寂

秋風一夕過蒼梧

汪云神韻
酷似漁洋

灘江中秋

山水甲天下斯行亦壯游長途遍南徼佳節又中秋明

月高難問滄波逝不留乘風欲歸去樂志幾時酬

昔轉西征餉飛行駕兩輪遙觀滄海日恰值歲朝春

辛巳

元日立春時轉餉由輪船泛海

物候懷前度風塵笑此身灘頭羨漁父

終日自垂綸

汪云揮灑流利一氣舒卷

芳竹塘晚泊

熾舟灘水急竟夕風雨喧推蓬見明月滾滾銀濤翻林
間有孤雀驚露夜不眠憂然振高響飛破蒼山烟

灘江游草

五

汪云如空山清磬松風夜壑幽韻泠泠沁入肺腑

昭平道中

連山何綿延千重蒼翠積山外更一峯伸頭似窺客烟
雲忽縈繞向背迷咫尺何處樵歌聲唱徹秋空碧

汪云道盡山行妙景

曉過松林峽

重灘峻激聲喧囂兩厓中間何寂寥澗曲折不見底
一碧澄澈十里遙灘師篙工百不用欸乃始聽柔櫓搖

松陰連綿間叢篠中有瀑布萬點飄幽花含露媚澗谷
紅紫錯雜冬春消晨曦穿林衆鳥語涼颺颺水游魚跳
白雲一片懶未散隔宿尙卧前峯腰安得舍船不歸去
餐霞晷霧來誅茆岩頭有石似人立隔着烟蘿手亂招
秦云灘河峻激忽得平水於兩
峽中固宜以幽峭之筆寫之

陽朔山

鴻濛肇造廓天宇蕩蕩中原闢堂廡龍沙馬塞游獵場
三吳兩越圖書府却從嶺右築園囿化工位置自上古

灕江游草

六

導源不藉神禹鑿鍊石或煩女媧補雲霞燦爛列屏幃
洞壑參差紛牖戶形態各肖萬象包一一雕鐫運神斧
居然山水奇境開長使乾坤清氣聚繁華轉笑仙居俗
金銀宮闕瓊瑤圃南來我比驂鸞游窺園竟荷天公許
何必局促名利羈且自逍遙風月取李杜韓蘇昔未到
偏讓後來快先睹何當一峯題一詩墨花散作千峯雨

時久旱
望雨

汪云前幅奇而確後幅興趣
淋漓令人有天際眞人想

陽朔舟中重九

玉簪羅帶儘句留自笑身如不繫舟雲護碧蓮頻攬勝
霜寒黃菊又驚秋名山祇抱風塵感客路頻看歲月流
尚有登高吟興在遍題奇句萬峯頭

秦云一結
興復不淺

大墟登陸

莽莽秋風急官程不計遙瘴雲鷲跼跼落日馬蕭蕭汲
水多村婦耕畚雜峒猺七星巖在望前路指花橋

灘江游草

七

秦云音
遍盛唐

抵桂林卽事

灘江桂嶺獨宜人且喜驂鸞愜賞心未必風塵皆俗吏
果然城市有山林瑤簪玉筍披圖畫屹鳥蠻花閱古今
愛看清光門外水不妨小住傍榕陰

寓傍榕樹樓下為
榕湖卽古桂州南

門舊有古榕唐
時所植故名

秦云自
然高雅

隱山六洞

西郭有隱山山隱名益顯人從六洞游路向一峯轉每
逢陰崖窄欲入行偃蹇忽然啟堂宇穹窿復曠衍天工
奪人巧築此仙人館虛明玉戶開曲折丹梯踐泉磴相
迴環雲幔自舒卷乳結懸萬狀眩視繪畫滿載讀磨崖
碑畧辨唐宋款來趁朝霞明去忘夕陽晚朝霞夕陽皆洞名昔
可泛舟入採蓮棹歌緩嘉蓮洞以獻同心蓮得名今惜變為田滄波
日以遠我愛巖洞奇游賞此其選必以西湖重所見毋
乃淺隱山李渤所開在西湖中劉克莊詩桂湖亦在西豈減穎與杭今俱權為田矣惟石可與

灘江游草

八

語一笑首同點

秦云筆墨化為烟雲烟雲凝為筆墨非詩以山傳乃山以詩重

七星山棲霞洞

良為山覆盤厥象本中空石隕七星列雲穿一洞通奇
觀開世界元氣蘊鴻濛聞說九疑路何人到底窮志載洞通

九疑山

此是神仙宅曾逢日月華至今山寂寞終古洞豁訝絕
澗杳流水半空飛冷霞碧虛遺跡在悵望一長嗟唐鄭冠卿

游洞中遇日華君月華君贈詩有不因過去行方便
那得今朝會碧虛之句范至能因於洞旁建碧虛亭
秦云山本奇
觀詩有奇氣

龍隱巖

宛然鱗鬣帶苔斑想見潛淵卧此山寄語神龍莫終隱

好敷霖雨到人間時久旱祈雨

汪云奇
托遙深

月痕泉溜儘探奇先游月牙巖並訪滴玉泉多少磨崖絕妙詞鐫題之眾

環壁為滿皇祐平蠻三將題名嘉祐
宋頌陸游詩境等刻皆在龍隱洞
獨有蒼茫懷古意

灘江游草

九

穿巖先訪黨人碑

黨人碑刻於粵西者有二一在融縣真仙巖一在臨桂龍隱巖也

汪云風
致殊勝

象山水月洞

在灘江西舊名灘山

灘江河澄澄灘山何屹屹香象渡河來空明惟水月

秦云不著一字盡得風流

登獨秀峯憩讀書巖

在桂林城北峭立五十餘丈顏延之詩曰未若獨秀者巖

巖在峯址如環堵之室

昂然雲表逐風翱一柱真堪冠六鼇絕地通天空倚傍

不嫌獨立太孤高

秦云何等襟抱

衆山俯視碧巉巖一路磨崖覓舊劒半嶺已驚高處險

不如還訪讀書巖

秦云見道語

桂林周汝卿太史璜見贈律詩卽和原韻

佳章投贈筆花妍風雅能追十子賢桂林舊有十子集勝地如

逢瑤島客清才原屬玉堂仙詩書鄒魯瞻師範時主講桂山書

灘江游草

十

院泉石羲皇屏俗緣舜洞堯山許同訪可能不負小春

天

秦云圓轉如意

贈秦文伯太守煥

文伯文章伯文名天下知炎荒得循吏當代重經師撫

劍驚虹貫承惠劍虹居詩文稿攜琴有鶴隨一樽燕市酒猶記識

君時已卯在都朱雪岑部郎黃子中主政招飲皆與君同座

汪云格律渾成

附和作

兩粵鴻名播新交本舊知才猷垂治譜儒雅是吾
師海嶠留仙住霖雲到處隨干將經拂拭終有化
龍時

空抱經綸志深慚特達知數奇悲骨肉才短負君
師名敢鍾葵勒行仍筆硯隨贈來垂露句東海月
生時

疊綵山風洞次壁間袁簡齋韻
山石層層橫斷如
疊錦綵元常侍晦

離江游草

十一

有記

桂林山水奇尤奇在巖洞疊綵錯綺繡巖積每留縫紫
綠紛萬狀不暇目迎送閒雲聚復散乳漏滴還凍常侍
清賞處題壁和者衆曲折達後巖入甕又出甕連峯翔
鸞凰怪石列鼇竦快哉當此風遽然醒塵夢果然勝登
仙山林麋鹿縱好同彌勒龕欲學維摩供松篁和天籟
日日瑤琴弄笑謝當時人利名何足重

秦云精警
似勝原作

汪云此數韻頗不易押窄韻能使
之寬險韻能使之平得坡公法矣

紱卿太史同遊疊綵山成詩用前此見贈之韻余
仍次和一章兼以留別

疊綵真如錦綺妍良遊幸遇主人賢遍探山水原清福

難得風塵似散仙東嶺七星瞻突兀西湖六洞更延緣

先遊棲護諸勝小春又見歸橈放好折梅花寄遠天

秦云香山
放翁之間

舜山一名虞山城東北外里許
有韶音洞南薰亭諸勝

灑江游草

言訪韶音洞獨上南薰亭隔江看不厭堯山一片青

秦云太古之
音詩與題稱

伏波洞

山下還珠洞有石如柱去地一線不合最
奇俗名伏波試劍石南望隔江穿山有洞

如穴俗傳伏波飛矢所
穿其實伏波並未至桂

飛矢貫危崖試劍斷危石將軍昔未到附會聲名赫想

見銅柱高茲山並無極

秦云就附會而標出未到結
二句憂然而止自見老手

還珠洞

古竇幽巖碧玉灣朝朝遊遍桂林山欲從此洞稱觀止
自向珠江放棹還

汪云
巧合

祝倪豹丞中丞六十壽時捧檄桂林辱承招飲餽
贐並贈所著經說各種兼以誌謝

本是蓬萊第一仙新持旌節鎮南天蒼生久望為霖雨
名世原應享大年秋間久旱時
適沛霖雨廣平
春賦早梅妍霓裳仙曲金鏡唱時監臨文閣主試武都
閩邊防亦屢次報捷

灕江游草

三

入稱觥介壽篇

籌邊號令肅關門盡掃烟氛答 至尊新息遠聞平浪
泊武襄早喜破崑崙滄溟秋淨重洋懾越人與法人
闕和議將成紫

塞春耕萬竈屯沿邊議
興屯田更看經營宏八表巍然柱石鎮

乾坤

卽論餘事亦千秋太史游蹤遍九州蘇海韓潮成述作
桑經鄭注訂源流畫傳遠自雲林接墨妙多於鎖院留
監臨入閣所
作書畫尤多自愧雕蟲珍敝帚一編都荷藥籠收

峴嶂五嶺遍甘棠
檄還登八桂堂
階下趨風晨聽鼓
亭前喜雨夜傳觴
荆州愛士高千古
諸葛開誠集衆長
何幸雲霄垂盼矚
從今一辦祝心香

汪云精切不浮格律亦嚴
整不得徒作應酬文字觀

昭州謁道鄉書院

記從鄉國仰名儒
又見天南教澤敷
道統淵源紹濂洛
炎荒遷謫媿韓蘇
建言兩疏忠彌著
並祀三賢德不孤
舊有三賢祠並祀
范公祖禹
胡公銓皆宋時謫昭州者也
感應清泉何處訪
堂前憑

灑江游草

丙

弔意踟躕湯文正公撰道鄉先生祠聯云六經萬戶千
門只慎獨兩言上接泗濱下肩伊洛兩疏九
年再竄痛引裾一泣
曉行嶺海夜渡瀟湘
汪云確是昭州道鄉
祠可謂精金百鍊

檢窰灘夜泊

碧嶂丹林又一程
晚霞低映水空明
解開舵尾舟如葉
划到磯頭看月生

汪云詩有別
趣未經人道

和龔謫人方伯題詩原韻

文章經濟兩瑰奇最是吳中繫去思江蘇更憶齊東留

宦轍由山東知府擢登萊青道又來嶺表建牙旂殊勲交趾馬援柱

大筆潮州韓愈祠豈獨雲霄蒙煦育風流儒雅是吾師

汪云與原作相稱

和周昉叔都轉題詩原韻

九龍兼五鳳盛事極天倫昆季均世胄千秋業中州第

一人文章詞館重檠戟越臺新敷歷炎陬遍前任廣西右江道

清標不染塵

灘江游草

五

委蛇覘見食風雅更無論餘事詩書畫通才天地人斗

山當代仰梅柳及時新祇覺鱖生幸握衣謁後塵

汪云凝鍊次首尤工於選偶

和張丹叔觀察題詩原韻

當代循良治惟公不炫奇炎方持節日清夜問心時前

問心齋學治雜記片善求猶急分陰惜肯遲大才心更細獨自

理勞絲

和成諸將詠尤擅濟時方近示和老杜諸將五首皆詠時事律喜金鍼

度才還玉尺量自慚毛義檄乍返陸生裝漫獻雕蟲技
何期錄寸長

秦云和韻
亦復嚴整

灑江游草

六

